



Broj: 08-3-045-655/10. -1
Datum: 01.02.2010.

PREDSTAVNIČKI DOM
n/r predsjedavajućem
g. Živkoviću

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 11.02.2010			
Organizaciona jedinica	Klasifikaciona oznaka	Redni broj	Broj priloga
01-50-1-15-70/10		15	

Predmet: Odgovor na poslaničko pitanje, dostavlja se.
Veza: Vaš akt broj: 01/a-50. 1-15-70/10 od 27.01.2010. godine.

Poštovani,

na 70.sjednici Predstavničkog Doma Parlamentarne skupštine BiH, poslanik Mehmed Suljkanović postavio je pitanje :” Kad će biti donesen pravilnik kojim se reguliše uništavanje zaplijenjenih opojnih droga?”

U skladu sa postavljenim pitanjem prosljeđujemo Vam slijedeći odgovor:

Komisija za suzbijanje zloupotrebe opojnih droga, pri Vijeću ministara, pokrenula je inicijativu za izradu Pravilnika o čuvanju i uništavanju zaplijenjenih opojnih droga u februaru 2009.godine. Formirana je Radna grupa od strane Vijeća ministara, koja je u roku od 3 mjeseca ponudila 2 rješenja za čuvanje i uništavanje opojnih droga.

Prilikom usvajanja Prijedloga pravilnika koji će biti ponuđen Vijeću ministara na usvajanje, Komisija za suzbijanje zloupotrebe opojnih droga je ocijenila da je potrebno zatražiti ekspertizu provodivosti oba ponuđena rješenja čuvanja i uništavanja zaplijenjenih opojnih droga, što je omogućila Evropska komisija u Sarajevu angažmanom nezavisnih eksperata iz EU.

Jedno od ponuđenih rješenja za čuvanje i uništavanje opojnih droga je profesionalno dorađeno kroz rasprave profesionalnih lica u oblasti čuvanja i uništavanja opojnih droga, na dvije javne rasprave koje su organizovane od strane Evropske komisije, a pod pokroviteljstvom Komisije za suzbijanje zloupotrebe opojnih droga.

Na sastanku Komisije za droge, koji je održan 28.12.2009.godine, razmatran je Prijedlog pravilnika za čuvanje i uništavanje opojnih droga, te zaključeno da je potrebno pribaviti još jedan krug mišljenja na ovaj Prijedlog, jer se radi o izuzetno osjetljivoj problematici i potpuno novom pristupu čuvanju i uništavanju opojnih droga, na centralizovan i transparentan način, kako bi se svi izvori koruptivnih djelatnosti i moguće zloupotrebe izbjegle na vrijeme, odnosno proceduralno u Pravilniku propisale.

Rok za pribavljanje trećeg kruga mišljenja je bio kraj januara 2010.godine, kako bi se o Prijedlogu pravilnika Komisija mogla konačno izjasniti na februarskom zasijedanju i uputiti ga u proceduru usvajanja.



Ministarstvo sigurnosti daje tehničku podršku, preko svog Odsijeka za suzbijanje zloupotrebe opojnih droga, radu Komisiji za suzbijanje zloupotrebe opojnih droga, a time i u izradi Prijedloga pravilnika za čuvanje i uništavanje zaplijenjenih opojnih droga.

S poštovanjem,



Dostaviti:

1. 1x naslovu